





大便或祕或利

**大經**云春傷於風夏必飧泄蓋木氣刑土也土不能  
滲泄則木氣勝故泄風氣行精液燥故祕卽不可轉  
以祕燥爲風也余家中宗親張公度母氏年七十日  
下利數十行百方治之不愈又苦腰脚拘攣公度以  
茯苓酸棗仁治拘攣而利愈黃魯直母安康郡太夫  
人苦祕結以公度藥投之而大便利故知祕與利皆出於  
風公度潞人名騷世有令德承父醫學而克其家清  
脩不妄取真有德君子今見於此 **薛**按前證若因  
足三陰虧損發熱作渴胸膈不利飲食善消面帶陽

色脉洪而虛肢體倦怠者用補中益氣湯六味地黃丸脾肺氣虛補中益氣湯脾經鬱結用加味歸脾湯氣血俱虛者八珍加肉蓯蓉腎經津液不足者六味地黃丸胃火銷鑠津液竹葉黃芪湯肝木侮脾土小柴胡加山梔郁李仁枳殼膏粱積熱清胃散加山梔郁李仁枳殼若燥在直腸用豬膽導之

治風人脚氣人大便或祕或利虛人尤宜

皂角子

參百粒破作兩片慢火炒燥甚入酥壹棗大又炒至燥又入酥炒至焦黑爲度

右細末煉蜜丸如梧桐子大每服叁拾丸煎蒺藜酸棗仁湯下空腹服兩時久未利再進一服漸加

至百丸不妨以通爲度

蒺藜湯方

用蒺藜不以多少炒至赤黑色白內以

木杵舂去刺揀簸淨每蒺藜叁兩以酥棗仁壹兩

炒令香同杵爲麤末馬尾羅篩每叁錢水壹錢煎

至柒分去滓溫服下前丸子

大五柔丸

主臟氣不調大便難通榮衛利九竅進

飲食

大黃

斗米上蒸切焙

枳殼

去瓢麩炒

白芍藥

葶藶

炒香別研

肉苳蓉

酒浸軟溫水洗切焙各壹兩

桃仁

壹百枚

杏仁

肆拾枚並去皮尖麩炒令黃別杵

下斗

大便或秘或利

二

奇效

牛脂

去筋膜熬成油與  
葶蘆杏仁等杵

右除有油藥並為末入牛脂桃杏仁葶蘆杵數千  
下丸如梧桐子大米飲下參丸日三服腹稍空時  
服未知稍增以知為度

安康郡太苦風秘子為處只可二仁丸

杏仁

去皮尖  
麩炒黃

麻仁

別研各

枳殼

去穰  
麩炒研

訶子

慢火炒  
槌去核

右二物各壹兩為細末同二仁杵煉蜜和杵丸如  
梧桐子大溫水下貳參拾丸未知稍增 潞公在  
北門日盛夏間苦大便不調公隨行醫官李琬本

衢州市戶公不獨終始涵容之又教以醫事公病泄利琬以言動搖之又求速效卽以赤石脂龍骨乾薑等藥饋公公服之不大便者累日其熱甚苦予方自共城來見公未坐定語及此事公又不喜服大黃藥予告曰此燥糞在直腸藥所不及請以蜜兌導之公爲然時七月中苦熱予搗汗爲公作蜜兌是夕三用藥下結糞四五十枚黑如橡栗公二三日間飲食已如故世有一種虛人不可服利藥今載其法

蜜兌法 好蜜四五兩銀石器中微火熬不住手以

匙攪候可丸見風硬卽以蛤粉塗手捏作人指狀  
長三寸許坐廁上內之以手掩定候大便通卽放  
手未快再作已上四方  
出初虞世

補遺通氣散 治婦人憂怒傷肺肺與大腸為傳送

致令秘澀不通或服燥藥過多大便秘亦可用

陳皮

蘇葉

枳殼

木通

去皮節

右等分剉每服肆錢水煎溫服

皂角丸

蘇麻粥亦佳

見前



泄瀉

大泄瀉之證因腸胃虛冷而邪氣乘之經云春傷於風夏必飧泄蓋風傷肝肝木旺而尅脾土屬外因也若七情不平臟氣受傷屬內因也若飲食生冷傷脾屬不外內因也大法寒者溫之熱者涼之滑者澀之濕者燥之

薛前證若生冷所傷用六君木香砂仁

辛熱所傷用二陳炒連山梔麵食所傷用六君神麩米食所傷用六君穀蘖飲食不時而傷用四君子湯飲食過多而傷用六君子湯飲食停滯人參養胃湯脾氣虛弱者六君升麻柴胡脾氣虛寒六君木香炮

薑肝木乘脾者六君柴胡芍藥肝火尅脾者六君芍

藥山梔中氣虛而下陷者補中益氣湯鬱結傷脾者

濟生歸脾湯腎氣虛者五味子散脾氣虛者二神丸

脾腎虛者四神丸命門火衰者八味丸真陽虛敗者

固真丸仍與滯下方參用 侍御沈東江之內停食

腹痛作瀉以六君加木香炮薑而愈後復作傳爲腎

泄用四神丸而安 侍御徐南湖子室瀉屬腎經不

信余言專主滲泄以致不起 一婦人年踰五十不

食夜飯五更作瀉二十年矣後患痢午前用香連丸

午後用二神丸各二服而痢止又以二神丸數服而

食夜飯不用而形體如故 吳江史元年母素有血  
疾殆將二紀平居泄瀉飲食少思面黃中滿夏月尤  
甚治血之藥無慮數百劑未嘗少減余以爲脾腎虛  
損用補中益氣湯送二神丸復用十全大補湯煎送  
前丸食進便實病勢頓退若泥中滿忌參朮痰痞忌  
熟地便泄忌當歸皆致誤事

補遺治瀉風證則胃風湯不換金正氣散寒證則理  
中湯四柱散大已寒丸暑則五苓散香薷散六和湯  
濕則藿香正氣戊巳丸此大槩而論至於通治則有  
諸方可檢隨證治療然男子婦人久瀉不止無逾固

腸丸之效驗

香朴丸 治腸胃虛冷泄瀉注下無度脾虛氣閉不

進飲食

大厚朴 伍兩

北藿香

白朮

陳皮 各叁兩

訶子

赤石脂 各壹兩半

右爲細末麵糊丸如梧桐子大空心米飲下伍拾

丸如常服暖脾胃

桂香丸 治臟腑虛爲風濕寒所搏冷滑注下又治

老人虛人危篤累效

附子

肉豆蔻 並炮

白茯苓 各壹兩

桂心

木香炮

白薑炮各半兩

丁香貳錢半

右為細末米糊丸如梧桐子大空心米飲下伍拾

丸

豆蔻分氣飲 治臟腑虛寒泄瀉無度瘦極及婦人

產後瀉洞泄危篤甚

藿香葉

草豆蔻仁炮

青橘皮各肆兩

甘草

丁香各半兩

烏梅伍拾箇

肉豆蔻拾箇炮

右咬咀每服肆錢水貳盞糯米壹撮煎柴分去滓

温服

豆蔻丸

治臟寒泄瀉不止服諸藥無效

亦可治男子

肉豆蔻

麵裹煨香

不以多少碾細入陳米白飯搗令得

所丸如菘豆大空心煮粟米飲吞下百丸本家累

以此藥救人有效

人參豆蔻散

治久瀉不止服諸藥無效此藥屢效

人參

肉豆蔻

乾薑

厚朴

甘草

陳橘皮

各壹兩

川芎

桂心

訶子

北藿香

各半兩

右爲細末每服參錢水壹小盞薑參片棗壹枚煎至陸分服

木香散 治臟腑冷極及久冷傷脾口瘡下泄米穀不化飲食無味肌肉瘦悴心多嗔恚婦人產後虛冷下泄及一切水瀉冷痢

木香

破故紙炒各壹兩

良薑

縮砂仁

厚朴製各柒錢

赤芍藥

橘紅

桂心

白朮各半兩

吳茱萸

湯泡柒次

胡椒

各貳錢半

肉豆蔻

肆枚

檳榔

壹箇

右爲散每服參錢用不經水豬肝四兩許去筋膜  
批爲薄片重重摻藥置一鼎中入漿水一碗醋一  
茶脚許蓋覆煮肝熟入鹽壹錢葱白三莖細切生  
薑彈子許拍破同煮水欲盡空心爲一服冷食之  
初服微瀉不妨亦是逐下冷氣少時自止經年冷  
痢滑瀉只是一服渴卽飲粥湯忌生冷油膩物如  
不能食冷物卽添少漿暖服 嘉興謝醫得此方  
病其繁只用漿水煮豬肝丸如梧桐子大粥飲下  
五十九丸亦效若暴瀉痢只是一服唯熱痢熱瀉不  
宜服 趙府博宜人病泄瀉不止用附子木香訶



子肉豆蔻龍骨等藥及諸丹服之皆無效召余診之肝腎脉虛弱此肝腎虛也府博云其說見在何經余曰諸方論泄痢止是言脾胃病不過講風冷濕毒之所侵入及飲食傷滯遇腸虛則泄痢而不知肝腎氣虛亦能爲洩痢古書所載甚明不可不辨經曰洩痢前後不止腎虛也又曰諸厥固泄皆屬於下下謂下焦肝腎之氣也門戶束要肝之氣也守司於下腎之氣也肝氣厥而上行故下焦不能禁固而泄痢腎爲胃關門戶不要故倉廩不藏也若病泄利其源或出於此而專以脾胃藥治之則

膠固千里矣遂用木香散數服而愈

熱瀉  
清之

香埋丸 治痢疾并水瀉暑瀉腹痛不問赤白神效

黃連 淨貳  
拾兩

吳茱萸 去枝梗  
拾兩

右先將二味用熱水拌和入磁器內置熱湯頓一日同炒至黃連紫黃色去茱萸用連爲末每末四兩入木香末壹兩淡醋米飲爲丸桐子大每服貳叁拾丸滾湯下久痢中氣下陷者用補中益氣下中氣虛者用四君子下中氣虛寒者加薑桂

如金丸

好川黃連壹斤分上中下三等揀開以生薑叁斤

先刮下皮以皮存一處將薑搗汁如前分浸黃連一宿先用乾壁土研細鋪鍋底又鋪厚綿紙一層上放黃連炒燥再拌再炒如此九次方用薑皮同爲細末滴水丸

防風芍藥湯 治飧泄身熱脉弦腹痛及頭痛

防風

芍藥

炒

黃芩

炒各貳錢

右用水煎服

濕瀉

滲

濕湯 治寒熱所傷身重腰冷如坐水中或小便

秘澀大便溏泄此證多因坐卧濕地或陰雨所襲

而致

蒼朮

白朮炒

甘草炒各壹兩

乾薑炮

茯苓各貳兩

陳皮壹兩

丁香貳錢半

右每服肆伍錢棗水煎

茯苓湯 治濕熱泄瀉或飲食傷瀉

白朮炒

茯苓各伍錢

右用水煎食前服一方有芍藥等分名白朮散

白朮芍藥湯 治脾經受濕水泄注下體重腹滿形

體倦怠不欲飲食或暴泄無數水穀不化

白朮

芍藥各貳錢炒

甘草炒壹錢

右水煎服

胃苓散 治夏秋之間脾胃傷冷水穀不分泄瀉不

止 亦治男子

五苓散

平胃散

右和合薑棗煎空心服妙

積瀉  
行之

五香散 治食魚傷泄瀉不止氣刺奔衝及婦人產

前產後腹痛血氣等疾用溫酒下產後敗血衝心  
用敗蒲煎湯下安胎以糯米飲調下孕婦脾泄瀉  
痢煎陳米飲調下食前

烏藥

白芷 炒

枳殼

白朮炒

良薑炒

甘草

莪朮孕者減半

右等分爲細末每服貳錢温酒調下

腎瀉温之

二神丸

加五味子貳兩吳茱萸黃肆兩名四神丸

治脾腎虛弱侵晨五更

作瀉或全不思食或食而不化大便不實神效

破故紙肆兩炒

肉豆蔻貳兩

右爲末用大紅棗肆拾玖枚生薑肆兩切碎同棗

用水煮熟去薑取棗肉和藥丸桐子大每服伍拾

丸空心鹽湯下

五味子散

治腎經虛弱大便不實或夜間或五更

泄瀉

五味子

炒貳兩

吳茱萸

半兩

右爲末每服貳錢空心米飲調下其效如神米糊

爲丸亦可

固腸丸

人參

去蘆

蒼朮

米泔浸壹宿

茯苓

木香

不見火

訶子肉

煨

烏梅肉

肉豆蔻

麵裹煨

鴛粟殼

去蒂穰

右各等分爲末麵糊丸如梧桐子大每服肆拾丸

米飲下

女和

卷三

真

修敬堂



協熱下利

天若下清水其色赤黃或米穀不化但欲飲冷時時嘔逆小便不利得熱則極心胸煩躁脉虛大而數此由乘虛熱入於胃湊滲下焦津液不分併於大腸謂之協熱下利先用五苓散利小便次以玉粉丹四味阿膠丸薛前證若胃氣虛弱用補中益氣湯肝木侮脾土用六君子湯鬱結傷脾土用歸脾湯命門火衰用八味地黃丸餘參各論主之一婦人五月間患痢日夜無度小腹墜痛發熱惡寒余以爲脾氣虛弱用六君子湯送香連丸二服漸愈仍以前湯送四

神丸四服全愈至七月終怠惰嗜卧四肢不收體重  
節痛口舌乾燥飲食無味大便不實小便頻數灑淅  
惡寒悽慄不樂此肺之脾胃虛而陽氣不伸也用升  
陽益胃湯而痊

玉粉丹

蛤粉

硫黃等分

右同研細白麵糊和丸如梧桐子大每服伍拾丸  
米飲下

四味阿膠丸

黃連

赤茯苓

去皮各壹兩

芍藥

叁兩

阿膠

炒燥  
壹兩

右先將三味爲末却以好醋熬阿膠成稀膏丸如  
梧桐子大米飲下參拾丸

補遺協熱而利活人書黃芩湯赤石脂丸局方益元  
散皆可

女和

卷三

頁

脩敬堂

滯下

男女痢治無異已詳雜病準繩此特撫遺耳

〔大〕夫赤白痢疾者古人名之滯下是也究疾之原皆因外感五邪之氣內傷生硬冷熱之食其證不一有赤有白有赤白相雜有冷有熱有虛有實大抵四時皆以胃氣爲本未有不因外感寒暑燥濕風之氣而傷於脾胃脾胃旣虧而又內傷飲食飲食不能尅化致令積滯而成滯下古人云無積不成痢者此也經云春傷於風夏生飧泄蓋風喜傷肝然春時肝木正旺而不受邪反移氣尅於脾土然脾旣受尅又不能忌慎口腹恣食生冷粘硬之物致令脾胃不能尅化

因此積滯又夏秋之間或再感暑溼風冷之氣發動而成痢也其證必先臍腹疔痛洞泄水瀉裏急後重或有或無或赤或白或赤白相雜日夜無度如有此證不問冷熱虛濕但當先服神朮散可以發散風冷寒濕之氣次服五苓散分利水穀兼用加巴感應丸溫脾胃去積滯或六神丸未有不妥者也或曰雖古人有言無積不成痢亦不專以去積爲先豈有一歲之內獨於夏秋之間人皆有積而春冬無之蓋風邪入胃木來勝土不爲暴下則爲痢疾其神朮散要藥也又有一方一郡之內上下傳染疾狀相似或只有

一家長幼皆然或上下隣里間相傳染或有病同而證異亦有證異而治同或用溫劑而安或用涼藥而愈有如此等是毒疫痢也治疫毒痢者雖當察五運六氣之相勝亦不可狎泥此說且如運氣相勝豈獨偏於一方一郡而偏於一家一巷者乎如有此證當先察其虛實冷熱首以敗毒散多加人參甘艸陳米薑棗煎服及三黃熟艾湯黃連阿膠丸五苓散駐車丸可選而用之如下痢赤多或純下鮮血裏急後重大便不通身體壯熱手足心熱心煩躁渴腹脇脹痛小便赤澁六脈洪大或緊而數或沉而實此熱痢也

宜白頭翁湯及三黃熟艾湯五苓散可選而用之若  
風痢下血太過宜用胃風湯加木香黑豆煎服若夏  
秋之間下痢或赤或白或赤白相雜臍腹疼痛裏急  
後重增寒發熱心胸煩悶躁渴引飲嘔逆惡心小便  
不利及五心煩熱六脉虛弱此等脉證正因伏暑而  
得此疾宜服香薷散加黃連甘草當歸酒水濃煎沉  
冷雜病傷暑頓服仍急服酒蒸黃連丸或小柴胡湯加人  
參煎服必愈沈內翰云治痢之藥極多然無如雜此藥之妙蓋小柴胡湯能治暑毒如雜  
證一退而痢尚未止則以四物湯加膠艾煎服以調  
陰陽未有不安者也如水穀不分小便不利宜用五



苓散淡竹葉煎湯調服如煩渴甚者亦宜服之若不  
明伏暑之證但以脉虛而妄投硫附薑桂丹石之藥  
而殺之深可歎息若下痢純白狀如魚腦臍腹冷痛  
日夜無度手足逆冷或有嘔逆全不入食飲食欲温  
而惡冷六脉微細此由臟腑虛冷之極宜木香散加  
服四味理中湯及鍾乳健脾丸甚者四肢逆冷六脉  
沉絕當一味峻補兼炙氣海丹田二穴更以助胃之  
藥此守而不攻之意也宜四順附子湯三建丹白丹  
加味參附湯薑附湯皆可選用如年尊虛弱之人或  
素來稟受怯弱亦宜以此法詳酌調理然大宜開胃

進食爲先食可得入則脾胃運化糟粕便聚糟粕既成垢膩鮮血瘀滯不患其不隕矣如久痢不差腸滑不禁溏洩不止諸藥無效方可施之澁腸止痢之劑亦宜先以龍骨肉豆蔻訶子鍾乳胡粉之藥近人多用鴛粟殼地榆之屬然此物性太緊澁能損胃氣如少壯之人壯健者服之間奏奇效若是疫毒受暑受濕之證及年尊之人或稟受怯弱服此莫不受其大害若以固祕澁腸爲先則風寒暑濕之邪非惟澁而不去而胃管閉而不通禁口不食日見羸瘦糟粕不入腸中所患無由可除矣若有此證宜以參苓白朮

散四君子湯及以石蓮山藥之劑治之必愈治痢欲  
投補藥必須有溫通之意在焉如四君子湯理中湯  
十全湯加木香白豆蔻茯苓官桂厚朴之屬可以散  
風邪可以分水道可以開胃管可以治纏擾可以通  
祕澁此攻守之意兩全也大抵治痢之法虛者補之  
實者瀉之滑者澁之閉者通之有積者推之風則散  
之暑則滌之濕則燥之熱則涼之冷則溫之冷熱者  
調之以平爲期不可以過此爲大法 祭酒林謙之  
說醫人劉從周治病有功議論殊不凡且有驗云大  
凡痢疾不問赤白而爲冷熱之證若手足和暖則爲

陽只須服五苓散用粟米飲調下次服感應丸二十丸卽愈若覺手足厥冷則爲陰當服暖藥如已寒丸附子之類如此治痢無不效此方親曾用有效有人夏月患痢一日六七十行用五苓散兩服止

**薛東**

垣云太陰經受濕水瀉變膿血脾傳於腎者謂之賊邪難愈先痢而後瀉者謂之微邪易痊若厥陰經下痢脉沉遲手足厥逆用麻黃小續命湯汗之若身冷自汗小便自利脉微嘔吐用漿水散温之若脉疾身動下迫聲響用白朮芍藥湯脉沉身靜飲食不入用薑附湯身體沉重四肢不舉用朮附湯竊謂前證若

飲食停滯用六君子湯以補脾胃消飲食若胃氣下  
流用補中益氣湯以補脾胃升元氣若風傷腸胃宜  
用神朮散以補脾胃解外邪若痰積中焦宜用六神  
丸以補脾胃化痰滯大凡脾胃虛弱宜補中氣調飲  
食 一老婦食後因怒患痢裏急後重肛門脫下此  
脾氣下陷用大劑六君加附子肉蔻煨木香各一錢  
吳茱五分骨脂五味各一錢五分二劑諸證悉退惟  
小腹脹悶此肝氣滯於脾也與調中益氣加附子木  
香五分四劑而愈後口內覺鹹此腎虛水汎與六味  
地黃丸二劑頓愈又以飲食失宜大便不實四肢逆

冷此脾胃復傷與六君加附子五分及八味丸而愈  
先太宜人仲夏患痢腹痛去後無度煩渴飲湯手  
按腹痛稍止脉鼓指而有力此真氣虛而邪氣實也  
急用人參五錢白朮茯苓各三錢陳皮炙草升麻附  
子各一錢服之卽睡覺而索食脉證頓退再劑而安  
此取證不取脉也其時同患是證服痢藥者俱致不  
起惜哉 陳曾有一婦人病痢疾閱四十日服諸藥  
不愈召予診之六脉沉弱大凡下痢之脉宜沉宜弱  
但以十全大補湯薑棗煎成加白蜜半匙再煎數沸  
服之愈 甲子夏秋間趙經略姪孫病痢甚重召小

方脉未至命予診之六脉平細以證觀之云是血痢其實非也只是血水而已予記調中湯治狀云治夏月初秋忽有暴寒折於盛熱結入四肢則壯熱頭痛寒傷於胃則下利或血或水或赤壯熱冥困脉數宜服此遂合之去大黃服之而愈 又有一婦女泄瀉不止似痢非痢似血非血其色如濁酒召予診之則六脉沉絕衆用熱藥及丹藥服之則發煩悶僕先用敗毒散數服加陳米煎次用胃風湯加粟米煎服愈又調中湯去大黃亦療此證

**大白頭翁湯** 治熱痢下血連月不瘥

白頭翁 貳兩

黃連

黃檗皮

秦皮 各參兩

右咬咀每服肆錢水壹盞半煎至柒分去滓無時

温服

神朮散 治春傷於風夏生殮泄大治傷風頭痛項

背拘急鼻涕

蒼朮 壹斤

藁本

川芎 各陸兩

羌活 肆兩

粉草 貳兩陸錢

細辛 壹兩陸錢

右爲粗末每服參錢水壹盞薑叁片煎柒分要出

汗加葱去滓稍熱服無時候



六神丸 治赤白痢疾

神麴

別為末  
留作糊

麥芽

茯苓

枳殼

木香

煨  
痢倍之

黃連

赤痢倍之  
各等分

為末用神麴末作糊為丸桐子大每服伍拾丸赤

痢甘草湯下白痢乾薑湯下赤白痢乾薑甘草湯

下 東山堯殿講云是京城醫官見傳子詳此方

有黃連可以解暑毒和藏府厚腸胃有木香能溫

脾胃逐邪氣止下利有枳殼能寬腸胃有茯苓能

利水道有神麴麥芽可以消滯真痢門之要藥也

三黃熟艾湯 治傷寒四五日大下熱痢時作白通

湯諸藥多不止宜服此湯除熱止痢亦有人作丸  
子熟水吞下肆伍拾丸治時行毒痢良驗

黃芩

黃連

黃檗

各貳分

熟艾

半箇雞子大

右咬咀每服叁錢水壹盞煎柒分去滓温服無時

四順附子湯

生附子

去皮臍

白薑

炮

甘草

人參

各壹兩

右咬咀每服肆錢水貳盞煎至柒分去滓空心服  
吐瀉腹痛加桂半兩小便不利者加茯苓半兩大

凡痢疾雖體寒手足逆冷冷汗自出六脉沉伏不  
宜輕用附子多因伏暑而得此疾亦有冷汗白出  
四肢逆冷六脉虛弱但背寒面垢或面如塗油齒  
乾煩冤躁渴引飲此伏暑證也小柴胡湯五苓散  
酒蒸黃連丸必能奏效學者宜精思耳

### 三建丹

陽起石

煨飛  
半兩

鍾乳粉

壹兩

大附子

炮取末  
半兩八

藥一  
糊一半作

右用附子糊丸梧桐子大每服伍丸添至拾丸空  
心温酒下如渴參湯下

加味參附湯

大附子

貳兩半炮

大人參

伍兩

右二味咬咀每服肆錢水貳盞薑拾片丁香拾伍粒米壹撮煎至柒分空心温服

香茸丸

治下痢危困

麝香

半錢別研臨時入

鹿茸

壹兩火燎去毛酥炙黃為末入麝令勻

右以燈心煮棗肉為丸如梧桐子大每服五拾丸

空心服

繆立夫云有醫者每料入滴乳香半兩

尤有效紹興中患痢疾多往往而死凡平時所用治痢如鴛粟殼之類不可向口惟服此藥及沒石

子丸愈

調中湯

葛根

黃芩

芍藥

桔梗

藁本

赤茯苓

白朮

甘州

炙各等分

右咬咀每服參錢水壹盞煎至柒分去滓温服移時再服

胃風湯 治風冷乘虛客於腸胃以致水穀不化泄

瀉注下或腸胃濕毒下如豆汁或下瘀血

人參

白茯苓

芎藭

肉桂

當歸

白芍藥

炒

白朮

炒各等分

右每服參貳錢入粟米數粒水煎空心食前熱服

水煮木香丸

治久痢裏急後重日夜無度

鷲粟殼

去穰參兩

青皮

去白

甘草

炒各貳兩肆錢

訶子

炮去核捌兩

當歸

木香

各陸兩

右為末煉蜜丸彈子大每服壹丸水煎化空心服

戊巳丸

治胃經受熱泄痢不止或飲食不入腹痛

不止

黃連

炒

吳茱萸

去梗炒

白芍藥

各伍兩

右爲末麵糊丸桐子大每服叁拾丸食前米飲下  
升陽除濕防風湯 如大便閉塞或裏急後重數至  
圓而不能便或有白膿或兼下血此鬱結而不通  
也以此湯舉其陽則陰氣自降矣慎勿利之

蒼朮

米泔浸  
肆錢

防風

貳錢

白朮

炒

白茯苓

白芍藥

炒各  
壹錢

先將蒼朮用水壹鍾半煎至壹鍾內諸藥同煎至  
捌分食前熱服夫飲食入胃其氣上升輸精心肺  
然後下降若脾胃有傷不能上升下流肝腎而成  
泄利法宜升補中氣不可踈下此東垣發前人所

未論也

三黃湯 治熱痢腹痛或口舌生瘡咽喉齒痛及一

切實火之證

黃芩

黃連

黃檗

各等分

右各另為末水糊丸桐子大每服柒捌拾丸白湯下

芍藥湯 治熱痢便血後重經日洩而便膿血此氣

行而血止也行血則便膿自愈調氣則後重自除

芍藥

炒壹兩

當歸

黃連

炒各半兩

檳榔

木香

甘草

炙各貳錢



桂

貳錢五分

黃芩

炒參錢

右每服半兩水煎如不減加大黃此證外有因中氣虛弱脾氣鬱結者治當審察

酒蒸黃連丸

薑附湯

小柴胡湯

參苓白朮散

蘗蓮飲

香薷散

敗毒散

理中丸

黃連阿膠丸

駐車丸

真人養臟湯

五苓散

感應丸

亦有用蘇合香丸和丸服名蘇感丸亦有外加黃蠟丸桐子大十粒兼服

以上諸方並見證治類方泄痢各門不復重錄

痢後嘔噦

大凡滯下病之稍久或欲愈之時多有咳逆及嘔逆之證然咳逆者古人之所謂噦是也噦者腎寒所生此證最危其他病亦惡欬逆如見此證宜用橘皮乾薑湯半夏生薑湯丁香柿蒂湯若陽證欬逆者小柴胡湯橘皮竹茹湯 予嘗治一痢疾欬逆不止六脈沉弱諸醫用藥灼艾皆無效僕投退陰散兩服愈

又嘗治許主簿痢疾愈後咳逆不止服諸藥無效遂

灸期門穴不三壯而愈

穴見鍼灸準繩

如有嘔逆之證難

經云無陰則嘔然多有胃熱而嘔亦有胃寒而生亦

有暑毒而生如胃熱而嘔宜服小柴胡湯孫兆竹茹湯  
 蘆根湯官局桔梗湯竹葉石膏湯加生薑主之嘔而  
 發渴者豬苓湯 又嘗治一痢後嘔不止六脈虛弱  
 此胃寒而嘔又似暑毒凝於胃腕投局方香薷丸而  
 愈

橘皮乾薑湯

治噦

橘皮

通草

乾薑

桂心

甘草

各肆錢

人參

貳錢

右咬咀每服肆錢水壹盞煎至柒分去滓温服

半夏生薑湯

治噦欲死

半夏

壹兩壹分洗

生薑

貳兩切

右以水貳盞煎至捌分去滓分爲二服

丁香柿蒂湯

治咳逆

丁香

拾粒

柿蒂

拾伍枚

右咬咀用水壹盞半煎至捌分去滓熱服

橘皮竹茹湯

治噦逆

橘皮

甘草

各貳兩

半夏

壹兩湯洗

人參

半兩

竹茹

壹升

右咬咀每服肆錢水貳盞生薑陸片棗壹枚煎至

柒分去滓溫服

生薑橘皮湯 治乾嘔噦若手足厥冷者

橘皮 肆兩 生薑 半斤

右咬阻每服半兩水壹盞煎至柒分去滓溫服

退陰散 本治陰毒傷寒手足逆冷脉沉細頭痛腰

重連進三服小小傷冷每服壹字入正元散內同

煎加鹽少許陰毒傷寒咳逆煎一服細細熱呷卽

止

乾薑

川烏頭 各等分

右爲粗末炒令黃色候冷搗爲末每服 錢水壹

盞鹽壹捻煎至半盞服

豬苓湯 治咳而嘔渴心煩不得眠

豬苓

赤茯苓

澤瀉

阿膠炒

滑石各半兩

右咬咀每服參錢水壹盞煎候膠消盡服

補遺倉廩湯 治痢疾心煩手足溫頭痛如脾胃脉

不弱此乃毒氣上衝心肺所以嘔噦而不食宜倉廩

湯即敗毒散是

每服肆錢入陳倉米百粒薑伍片棗壹枚煎溫服

若脉微弱或心腹虛脹手足厥逆初病則不嘔因

服罌粟烏梅苦澁過多以致聞食先嘔此乃脾胃

虛弱用山藥一味剉小豆大一半生用一半銀瓦  
銚內炒熟同爲末米飲調下

又治噤口痢以石蓮子去殼留心并肉爲末每貳錢  
陳米飲調下此疾蓋毒上衝心肺借此以通心氣  
便思食



痔瘻

大婦人痔瘻因鬱怒風熱厚味膏粱所致其名有五  
肛邊如乳出膿者爲牝痔腫脹出血者爲牡痔痒痛  
者爲脉痔種核者爲腸痔登廁出血者爲血痔治宜  
審之 前證婦人多因胎產經行飲食起居六淫七  
情失調所致男子多因醉飽入房筋脉橫解精氣脫  
泄熱毒乘虛而患或入房強固其精木乘火勢而侮  
金或炙燻厚味陰虛濕熱宜涼血潤躁疎風潰後當  
養元氣補陰精不愈卽成痔漏有串醫串陰穿腸者  
其腸頭腫塊者濕熱也作痛者風也便燥者火也潰

膿者熱勝血也大便作痛者潤燥除濕肛門墜痛者  
 瀉火導濕小便滯滯者清肝導濕經云因而飽食筋  
 脈橫解腸澀為痔證屬肝腎不足故用加味地黃及  
 六味丸有效慎勿敷毒藥及服寒涼之劑

鼈甲散 治五種痔漏膿血淋瀝或腫痛堅硬下墜

鼈甲

露蜂房

蛇蛻

豬後懸蹄

蝟皮

伍味燒存  
性各貳錢

麝香

壹分

右為末每服壹錢空心生地黃煎湯調下更傅之

又方熱痛用寒水石朴硝為末以津調搽

治法并方詳雜病痔門茲不重錄

脫肛

大脫肛者大腸之候也大腸虛寒其氣下陷則肛門翻出或因產努力其肛亦然也

薛前證若大腸濕

熱用升陽除濕湯若血熱用四物條芩槐花血虛用四物白朮茯苓兼痔痛用四物槐花黃連升麻中風虛弱用補中益氣湯加芍藥白朮中氣虛寒加半夏炮薑五味腎虛用六味丸虛寒用八味丸夫肺與大腸爲表裏肛者大腸之門肺實熱則秘結肺虛寒則脫出腎主大便故肺腎主大便故肺腎虛者多有此證 一婦人脫肛用補中益氣加味歸脾各百餘劑

而愈後因分婉復脫仍以前藥各二百餘劑始愈  
升陽除濕湯 自下而上者引而竭之

升麻

柴胡

防風

神麴

炒

澤瀉

豬苓

各半兩

蒼朮

壹兩

陳皮

甘艸

炙

大麥蘖

各叁錢

右每服五錢水煎空心服胃寒腸鳴加益智仁半

夏各半錢薑棗同煎服

姚和衆以鐵粉傅之良

聖惠方亦治陰脫陰腫

集驗方以生鐵叁斤水壹斗煮至伍升取水洗日二

次

孫真人用蝦蟆皮瓶中燒多烟熏功效元微

一方用五倍子煎湯洗以赤石脂末摻上托入或脫  
長者以兩牀相並中空尺許以磁瓶盛湯令病人  
仰臥浸瓶中逐日易之收盡爲度

女和

卷三

頁三五

脩敬堂

前陰諸疾

**陰腫** 大夫婦人陰腫者是虛損受風邪所爲胞絡虛而有風邪客之風氣乘於陰與血氣相搏令氣否澁腠理壅閉不泄越故令腫也 **薛**前證若氣血虛弱

用補中益氣湯舉而補之肝經濕熱用龍胆瀉肝湯滲而清之若陰腫陰痒陰冷陰挺當與後論互相參看 一婦人陰中腫悶小便澀滯兩脇作腫內熱晡熱月經不調時或寒熱此因肝脾鬱怒元氣下陷濕熱壅滯朝用歸脾湯加柴胡升麻解鬱結補脾氣升元氣夕用加味逍遙散清肝火生肝血除濕熱各數

劑諸證悉愈又用四君芎歸丹皮調補肝脾而經水如期

菖蒲散 治婦人月水澁滯陰間腫痛

菖蒲

當歸 各壹兩炒

秦艽 半兩

吳茱萸 半兩

右為粗末每服參錢水壹盞蔥白伍寸煎至陸分

空心温服

經心錄方治婦人陰中腫痛不可忍

艾葉 伍兩

防風 參兩

大戟 貳兩

右剉細以水壹斗煮取五升熱洗日叁次切宜避



風冷

古今錄驗治婦人陰腫或瘡爛者麻黃湯洗方

麻黃

黃連

蛇床子各貳兩

北艾葉

壹兩半

烏梅

拾箇

右剉細以水壹斗煮取伍升去滓熱洗避風冷

又方治婦人陰腫堅痛白礬散

白礬

半兩

甘草

半兩生

大黃

壹分生

右爲細末每用棗大綿裹內陰中日兩換

肘後方 療陰中腫痛

枳殼

半斤

炒令熱以故帛裹熨冷卽換之

子母秘錄療陰腫 鐵精粉傅上

補遺方治陰門腫以甘菊苗斫爛百沸湯淋洗熏浸  
又方小麥朴硝白礬五倍子葱白煮水洗

又方陰腫大馬鞭草搗爛塗之

陰痒 **大** 夫婦人陰痒者是蟲蝕所爲三蟲在於腸胃  
之間因臟虛三蟲動作蝕於陰內其蟲作熱微則爲  
痒重者乃痛也 **薛** 前證屬肝經所化當用龍膽瀉

肝湯逍遙散以主其內外以桃仁研膏和雄黃末或  
雞肝納陰中以制其蟲 一婦人胸膈不利內熱作  
渴飲食不甘肢體倦怠陰中悶痒小便赤澇此鬱怒

傷肝脾所致用歸脾湯加山梔而愈復因怒患處并  
小腹脹痛用小柴胡加山梔芍藥歸芍藥痛止用逍遙  
散加山梔而愈又因勞役患處腫脹小便仍澇用補  
中益氣加山梔茯苓丹皮而痊 一婦人陰內痛痒  
不時出水食少體倦此肝脾氣虛濕熱下注用歸脾  
加丹皮山梔芍藥生草主之而安 一婦人陰內痒  
痛內熱倦怠飲食少思此肝脾鬱怒元氣虧損濕熱  
所致用參芪歸朮陳皮柴胡炒梔車前升麻芍藥丹  
皮茯苓而瘥若陰中有蟲痒痛亦屬肝木以桃仁雄  
黃研納陰中以殺之仍用清肝解鬱之藥有以雞肝

納之者乃取蟲之法也一方搗新桃葉綿裹納陰中

日三兩易

大黃散 治婦人陰痒

大黃 微炒

黃芩

黃芪 炙各壹兩

赤芍藥

元參

丹參

山茱萸

蛇床子

各半兩

右爲細末食前温酒調貳錢服

廣濟方療婦人陰痒不止

蝮蛇膽

雄黃

硫黃

朱砂

硝石

蕪荑 各半兩

藜蘆貳錢半

右爲細末研停以臘月豬脂和如膏用故布作纏子如指長壹寸半以藥塗上內陰中日一易之易時宜用豬椒根三五兩水煮稍熱洗乾拭內之效又方小薊不拘多少水煮作湯熱洗日三用之崔氏療陰痒不可忍方

杏仁燒作灰乘熱綿裹內陰中日二易之

又方 蒜煮湯洗之 一方用枸杞根

又方 狼牙貳兩細剉蛇床子叁兩以水叁升煮十沸熱服

又方 取雞肝乘熱內陰中如有蟲蟲當盡下

又方 取牛肝截五寸繩頭內陰中半日蟲入肝出  
之豬肝亦得

聖惠方療陰中有蟲痒且痛目腫身黃欲得男子漏  
血下白少氣思美食用鯉魚長一尺去頭肉取骨搗  
末熬黃黑以豬脂和以絹袋盛如常法內陰中至痛  
處卽止蟲當自出

**陰痛** 千金療小戶嫁痛連日方

甘草

生薑 各叁分

白芍藥

桂心

各貳分

右細剉以酒貳升煮取參沸去滓溫服神良

又療小戶嫁痛单行方

牛膝

伍兩

右一味酒叁升煮至貳升分三服

又療婦人嫁痛单行太和湯

大黃

叁兩

右一味切以酒壹升煮一沸頓服

又療婦人小戶嫁痛海螵蛸散

烏賊魚骨

貳枚

右一味燒研細末酒服方寸匕日三

補遺治陰腫不下小戶嫁痛

冬青葉

小麥

甘草

右等分水煎洗

危氏方治婦人陰痛用青鹽炒熱以布裏熨之

〔陰瘡〕大婦人陰瘡者由三蟲或九蟲動作侵蝕所爲也諸蟲在人腸胃之間若臟腑調和血氣充實不能爲害若勞傷經絡腸胃虛損則動作侵蝕於陰輕者或痒或痛重者生瘡診其少陰之脉滑而數者陰中生瘡也〔薛〕前證乃七情鬱火傷損肝脾濕熱下注其外證陰中出如蛇如菌或如雞冠狀或生瘡濕痒或潰爛出水或腫悶墜痛其內證體倦內熱經候不調或飲食無味晡熱發熱胸脇不利小便痞脹或赤白帶下小水淋漓其治法腫痛者四物湯加柴梔丹皮膽草濕痒者歸脾湯加柴梔丹皮淋漓者龍膽瀉



肝湯白朮丹皮潰腐者逍遙散山梔川芎腫悶墜痛者補中益氣湯山梔丹皮佐以外治之法 一婦人腐潰膿水淋漓腫痛寒熱小便赤澹內熱作渴肢體倦怠胸脇不利飲食少思余以爲肝脾虧損用補中益氣內柴胡升麻各用壹錢加茯苓壹錢山梔貳錢數劑少愈又與歸脾湯加山梔川芎茯苓三十餘劑諸證悉退惟內熱尚在再與逍遙散倍用山梔而愈 一婦人素性急陰內痛小便赤澀怒而益甚或發熱或寒熱此肝經濕熱所致用芎歸炒梔柴胡苓朮丹皮澤瀉炒芍車前炒連生草數劑漸愈乃去黃連

澤瀉又數劑全愈

補心湯

危氏

治陰中生瘡名曰蠹瘡或痛或痒如蟲

行狀淋瀝濃水

白茯苓

人參

前胡

半夏

湯洗柴次去滑

川芎

各參分

枳殼

去穰麩炒

紫蘇

桔梗

甘草

炙

橘皮

乾薑

各半兩

當歸

壹兩參分

白芍藥

貳兩

熟地黃

壹兩半

右剉散每服肆錢水盞半薑伍片棗壹枚同煎食

前服

藿香養胃湯危氏

治陽明經虛不榮肌肉陰中生瘡

不愈

藿香

白朮

白茯苓

神麴

炒

烏藥

去木

縮砂仁

薏苡仁

半夏麴

人參

各半兩

革澄茄

甘草

炙各參錢半

右判散每服肆錢水盞半薑伍片棗叁枚同煎不

以時候

治陰瘡方

千金

蕪荑

芎藭

黃芩

甘草

礬石

雄黃

附子

白芷

黃連

各陸銖

右咬咀取豬膏肆兩合煎傳之

治婦人陰瘡與男子妬精瘡大同小異方

黃丹

枯白礬

菹蓄

藁本

各壹兩

硫黃

半兩

白蛇皮

壹條燒灰

荆芥

蛇床子

各半兩研極細

右細末另以荆芥蛇床子煎湯溫洗軟帛溲乾清

油調塗如瘡濕乾末摻之

治疳瘡因月後便行房致成湛濁伏流陰道疳瘡遂

生搔痒無時先用胡椒葱白作湯一日兩三度淋洗却服後藥

赤石脂

龍骨

黑牽牛

炒

兎絲子

酒浸蒸

黃耆

鹽水炙

沙苑蒺藜

炒

右為末蜜丸梧桐子大每服貳拾丸燕窩蒸酒澄上清者吞下

肘後方 療女人陰中生瘡

杏仁

雄黃

礬石

各貳分

麝香

貳分半

右四味研細傅之

又方 用硫黃研細傅之

古今錄驗療婦人陰中生瘡黃芩湯洗方

雄黃

當歸

黃芩

川芎

大黃

礬石

各貳分

黃連 壹分

右七味切以水五升煮取四升洗瘡日三度

雄黃散

雄黃

川芎

辰砂

藜蘆

北細辛

當歸

川椒

右為末綿裹內陰中又傅外瘡上忌如常法

當歸湯 治婦人陰蝕瘡凡婦人少陰脉數而滑陰  
中必生瘡名曰蠹瘡或痛或痒如蟲行狀淋露膿  
汁陰蝕幾盡者此皆由心神煩鬱胃氣虛弱致氣  
血流滯故經云諸痛痒瘡皆屬于心又云陽明主  
肌肉痒痛皆屬于心治之當補心養胃外以熏洗  
坐導藥治之乃可

當歸

芍藥

甘草

川芎

各貳兩

地榆

參兩

右細切以水伍升煮取 升去滓熏洗日三夜二  
一方用蛇床子不用川芎

又方 五倍子 甘草 滑石 黃丹等分 先以甘

草湯洗然後傅之

又方 真平胃散加貫衆末每貳錢煮熟猪肝拌藥

內陰戶數日可安

**陰痔** 治婦人陰中生痔凡九竅有肉突出者皆名爲

痔

用烏頭柴個燒存性用小瓦罐盛釀醋淬之乘熱

熏候通手沃之良

洗方 治茄子疾

用茄皮白礬馬椿頭根朴硝澤蘭煮水熏洗加入



炒石灰少許妙

傳藥 治茄子疾

用朴硝爲末黃荆柴燒瀝調傅或濃鐵漿水調傅

又方 治茄子疾

用硫黃壹兩大鯉魚壹尾去頭皮入硫黃魚肚中  
故紙裹黃泥固濟火煙煨盡爲末米糊丸梧桐子  
大每服貳拾丸溫酒下如下疽生蟲所下如柿汁  
臭穢心中疔痛悶絕虛煩甚者不可治

治茄子疾心躁連綿黃水易治白水難愈

用生枳殼爲散煎湯熏洗却用絹帛包枳殼滓納

入陰中卽日漸消

**陰挺下脫**

**大**婦人陰挺下脫或因胞絡傷損或因子

臟虛冷或因分娩用力所致

**薛**前證當升補元氣

爲主若肝脾鬱結氣虛下陷用補中益氣湯若肝火

濕熱小便瀉滯用龍膽瀉肝湯

一婦人陰中突出

如菌四圍腫痛小便頻數內熱晡熱似痒似痛小便

重墜此肝脾鬱結蓋肝火濕熱而腫痛脾虛下陷而

重墜也先以補中益氣加山梔茯苓車前子青皮以

清肝火升脾氣更以加味歸脾湯調理脾鬱外以生

豬脂和藜蘆末塗之而收

一婦人陰中挺出五寸

許悶痛重墜水出淋瀝小便澇滯夕與龍膽瀉肝湯  
分利濕熱朝與補中益氣湯升補脾氣諸證漸愈再  
與歸脾湯加山梔茯苓川芎黃檗間服調理而愈後  
因勞役或怒氣下部濕痒小水不利仍用前藥卽愈  
三茱丸 治陰中生一物所大牽引腰腹膨痛至甚  
不思飲食皆因多服熱藥及煎燂或犯非理房事  
兼意淫不遂名陰挺

食茱萸

吳茱萸

湯浸  
微炒

桔梗

水浸漉出  
慢火炒

白蒺藜

青皮

去白

山茱萸肉

微炒

舶上藿香

淘去砂土焙  
乾各壹兩

五味子

淨揀

海藻 洗焙

大腹皮 酒洗 晒乾

川棟子 去核

元胡索 各壹兩 貳錢半

右為末酒糊為丸如梧子大每服叁拾伍丸木通湯下下虛加川烏炮去皮肉桂去粗皮各壹兩腰腹痛甚加桃仁去皮尖麩炒別研青皮去白枳實去穰各壹兩真南木香柴錢半服之一方每服貳錢生地黃湯調仍用金毛狗脊五倍子白礬水楊根魚腥草山黃連各壹兩為散分作四服以有觜瓦礮煎熟預以銀錫作一長小筒下透罐觜觜上貫槌上先熏後洗立效更服白薇散凌霄花少許

煎

一捻金丸 服前藥未效却用

元胡索

舶上藿香

吳茱萸

炒

川楝子 去核

青木香

各貳兩

右爲末粳米飯糊丸如梧桐子大每服叁拾伍丸  
空心木通湯服又用梅花腦子半錢鐵孕粉壹錢  
水調刷上如陰畔生疱以涼血飲每服叁錢加凌  
霄花少許煎空心服見效

黃芩散 治婦人陰挺脫出

黃芩

蝟皮

炒微焦

當歸

各半兩

赤芍藥 壹兩

牡蠣

竹皮 各貳兩

狐莖 壹具一用狐皮

右治下篩飲服方寸七日三禁舉重房勞冷食一

方以酒服貳錢妙

治婦人陰挺出下脫方

桂心 壹方作川椒

吳茱萸 壹兩生用

戎鹽 貳兩

右藥並熬令色變搗羅為末以綿裹如指大內陰  
中日再易之甚妙

又方

川椒

川烏頭 並生用

白芨 各半兩

右搗羅爲末綿裹壹錢內陰中深三寸腹中熱卽

止來日再用之

一方無川椒

又方

蛇床子

伍兩烏梅

貳拾柒枚

以水伍升煮取叁升去

滓稍熱洗之每日夜三五度用

又方

硫黃

烏賊骨

各半兩

搗羅爲末傅之

又方

鐵精細研以羊脂調布裹炙令熱熨之以瘥

爲度

又方

弊帚頭燒爲灰酒服方寸七食前服

治婦人陰下脫若肚方

用羊脂煎訖適冷暖取塗上以鉄精傅之多少令

調以火炙布令煖熨肛上漸塗內之然後末磁石  
酒服方寸七日三

熏洗法

用荆芥穗臭椿樹皮藿香葉煎湯熏洗卽入

托藥

用草麻子葉有九角者好飛過白礬爲末以紙片  
攤藥托入

摻藥

先以淡竹根煎湯洗仍用五倍子白礬爲末乾摻  
立效



敷藥

用溫鹽水洗軟却用五靈脂燒烟熏次用草蘇子  
研爛塗上吸入如入卽洗去

〔陰冷〕大婦人陰冷因勞傷子臟風冷客之 〔薛〕前證

屬肝經內有濕熱外乘風冷所致若小便澀滯或小  
腹痞痛用龍膽瀉肝湯若內熱寒熱或經候不調用  
加味逍遙散若寒熱體倦飲食少思用加味四君子  
若鬱怒發熱少寐懶食用加味歸脾湯 一婦人陰  
中寒冷小便黃澀內熱寒熱口苦脇脹此因肝經濕  
熱用龍膽湯祛利濕熱用加味逍遙散調補氣血而

安 一婦人所患同前更寒熱嘔吐兩股腫痛先用

小柴胡加山梔一劑寒熱嘔吐頓止次用龍膽瀉肝

湯一劑腫痛頓消 一婦人陰中寒冷小便澄清腹

中亦冷飲食少思大便不實下元虛寒治以八味丸

月餘飲食漸加大便漸實又月餘諸證悉愈

五加皮酒浸方聖惠

治婦人瘵瘦陰冷

五加皮

熟乾地黄

丹參

杜仲去粗皮 炙微黃

蛇床子

乾薑各參兩

地骨皮貳兩

天門冬壹兩

鍾乳肆兩

右細剉以生絹袋盛以酒壹斗伍升漬二宿後每

服煖壹大蓋空心及晚食前服一方用枸杞子無

地骨皮

治婦人陰冷方

出大全良方

遠志

乾薑 生用

蓮花 各半兩

蛇床子

五味子 各壹兩

右搗羅爲末每用兼以兔糞塗陰門用綿裹壹錢

內陰中熱卽爲效

又方

蛇床子

叁分

吳茱萸

甜葶藶

各半兩

沒石子

壹枚搗羅爲末綿裹棗許大內陰中令腹內熱爲度

又方

蛇床子

壹兩

吳茱萸

壹兩半生

搗羅爲末煉蜜和丸

如酸棗大以綿裹內陰中下惡物為度

一方用麝香

溫中坐藥 用蛇床子為末白粉少許和勻相得如

棗大綿裹內之自然溫矣為效

八味丸 治血弱不能榮養臟腑津液枯澁風寒客

於子臟以致陰冷

方見雜病虛勞

愚按此丸果係肝脾腎虛殊有神效

胎前產後方具本門

交接輒血出痛

薛

一婦人每交接出血作痛此肝火

動脾而不能攝血用補中益氣濟生歸脾二湯而愈

若出血過多而見他證但用前藥調補肝脾

千金療女人交接輒血出方

桂心

伏龍肝

各貳分

爲末酒服方寸七瘥止

又方

黃連

陸分

牛膝

甘草

各肆分

右三味細切以水四升煮取貳升洗日三四度瘥補遺以熟艾緊裹一團然後以絹裹內陰中

交接他物所傷薛治一婦人交接出血作痛發熱口

渴欲嘔或用寒涼藥前證益甚不時作嘔飲食少思形體日瘦余曰證屬肝火而藥復傷脾所致也先用六君加山梔柴胡脾胃健而諸證愈又用加味逍遙

散而形氣復

一婦人陰腫下墜悶痛出水胸腹不

利小便頻數內熱晡熱口苦耳鳴此肝脾火證用小

柴胡加車前膽艸苓朮升麻二劑稍愈又用加味逍

遙加升麻數劑漸愈乃以加味歸脾加升麻柴胡并

補中益氣加山梔數劑頓愈仍用加味逍遙加味歸

脾二藥調理全愈 一婦人患前證熱痛或用寒涼

敗毒藥飲食不入時欲作嘔小腹重墜余謂此脾胃

復損元氣下陷先用補中益氣湯加炮薑二劑重墜

頓愈又加茯苓半夏二十餘劑而愈乃以歸脾湯少

加柴胡升麻并六味地黃丸而康

集驗方 療女人交接陽道違理及他物所傷犯血  
流漓不止方取釜底墨斷葫蘆塗藥內之

又療女童交接陽道違理血出不止方

燒髮并青布末爲粉塗之

又方 割雞冠血塗之

補遺以赤石脂末摻之又方五倍子末摻亦良

傷丈夫頭痛薛當用補中益氣六味地黃以滋化源

爲主

集驗方 療女人傷丈夫四體沉重噓吸頭痛方

生地黃

捌兩

芍藥

伍兩

香豉

壹升

葱白 壹斤

生薑 肆兩

甘草 貳兩

右六味以水柴升煮取貳升半分三服不得重作  
忌房事

千金翼療諸婦人傷丈夫苦頭痛欲嘔悶桑白皮湯

桑白皮 半兩

乾薑 壹銖

桂心 伍寸

大棗 貳拾枚

右四味切以酒壹斗煮三四沸去滓分溫服衣適  
厚薄母令汗出

補遺局方來復丹治婦人與男子交接相傷因而四  
肢沉重頭痛昏暈米飲吞下伍拾丸



與鬼交通

大夫稟五行秀氣而生承五臟神氣而養若陰陽調和臟腑強盛邪魅安得而干之若攝理失節血氣虛衰則鬼邪干其正隱蔽而不欲見人時獨言笑忽時悲泣是其候也脉息遲伏或如鳥啄或綿綿而來不知度數而面色不改亦其候也

薛前證多由七

情虧損心血神無所護而然宜用安神定志等藥則正氣復而神自安若脉來乍大乍小乍短乍長亦是鬼祟宜灸鬼哭穴以患人兩手拇指相並用線緊紮當合縫處半肉半甲間灼灸七壯若果是邪祟病者

即乞求免灸云我自去矣

茯神散

大全下同

治婦人風虛與鬼交通妄有所見言

語雜亂

茯神

壹兩半亦作茯苓

人參

石菖蒲

各壹兩

赤小豆

半兩

右咬咀每服叁大錢水壹盞煎陸分去滓食前温

服一方加茯苓壹兩

桃仁丸

治婦人與鬼魅交通

辰砂

檳榔

當歸

桃仁

各柒錢半

水銀

貳錢半棗肉研令星盡

麝香

阿魏麴裏煨

沉香各半兩

右為細末煉蜜丸如梧桐子大空心桃仁湯吞下

拾丸

辟溫丹 治證同前

虎頭骨半兩

朱砂

雄黃

雌黃

鬼白

皂莢

蕪荑仁

鬼箭

梨蘆各壹兩

右件生為末煉蜜丸如彈子大囊盛壹丸男左女右繫臂上及用壹丸當病人戶前燒之一切邪鬼

不敢近

太乙神精丹

方見雜病譫妄

蘇合香丸

方見雜病卒中

皆可用也

妙香散 治心氣不足精神恍惚夜夢顛倒與鬼交

通語言錯亂先宜服此補氣養血鎮心安神然後

以前後方治之方見雜病心痛

殺鬼雄黃散 治婦人與鬼交通

雄黃

丹砂

雌黃各壹兩俱細研

羚羊角屑

蕪荑

虎頭骨

石菖蒲

鬼白

鬼箭

白頭翁

石長生

蒼朮

馬懸蹄

豬糞各半兩

右爲細末以羊脂蜜蠟和搗爲丸如彈子大每用壹丸當患人前燒之

別離散 治婦人風虛與鬼交通悲思喜怒心神不定

楊柳樹上寄生

白朮

各壹兩

桂心

茵芋

天雄

炮去皮臍

薊根

菖蒲

九節者

細辛

附子

炮去皮臍

乾薑

炮各半兩

右爲細末每服壹錢食前温酒調下

朱砂散 治婦人風虛與鬼交通悲笑無恒言語錯

亂心神恍惚睡卧不安

朱砂

細研水飛過

鐵粉

各壹兩

雄黃

龍骨

各半兩

蛇蛻

壹尺燒

虎睛

壹對炙

牛黃

麝香

各貳錢

右同研極細每服壹錢以桃符湯調下不計時候  
治女人與邪物交通獨言笑悲思恍惚者

用雄黃末壹兩以松脂貳兩鎔和虎爪攪令如彈  
丸夜內火籠中燒之令女人踞坐其上以被自蒙  
唯出頭目未瘥再作不過三劑自斷也

又方以安息香和臭黃合為丸燒熏丹穴永斷

又方

雄黃

人參

防風

各壹兩

五味子

壹合

右搗篩清旦以井華水服方寸匕三服瘥

治婦人夢與鬼交

鹿角爲末三指撮和清酒服卽出鬼精兼治漏下  
不斷 婦人爲妖所魅迷惑不肯言狀以水服鹿  
角屑方寸匕卽言實也

桃梟一名桃奴是過年樹上不落乾桃子味苦微温  
主殺百鬼精物療中惡腹痛殺精魅五毒不祥正

女科

卷三

五

何荀宜

月採之

女科證治準繩卷之三

